

Inassutit QULIT

Napparsimalluni allamilluunniit pissuteqarluni suliertunngitsuussagaanni pingaaruteqarpoq ileqqussat aalajangersimasut maleruassallugit.

SIK-p allattoqarfianit kattuffiup immikkoortortaqaarfiinut kaammattuutigaarput kajumissaarutit inassutillu matuma ataaniittut ilaasortanut ingerlateqqeqqullugit, taamatullu sulisut sinniisaat kajumissaarpavut suleqatiminnut taakku ingerlateqqeqqullugit:

- 1) Napparsimaguit tamanna ulloq taanna ullaakkut sulisitsisunnut nalunaarutigiuq! Ullut arlerlugit napparsimaguit eqqaamajuk ullaat tamaasa suliffinnut ilisimatitsisassagavit!
- 2) Suliffiit ilarpassuini sulisoqarnermut politikkeqartarpoq imaluunniit najoqqutassaqartarpoq napparsimanagerit suliertunngitsoornerillu allat qanoq ilisimatitsissutigineqartarnissaannik. Najoqqutassiat tamakku paasiniakkit malillugillu!
- 3) Napparsimalluni suliertunngitsoornissamik ilisimatitsineq ajornangippat allakkatigut pisariaqarpoq, tassa e-mailikkut sms-ikkulluunniit. Uppernarsaatissaqarnissaq pillugu tamanna pingaaruteqarpoq. Akuttunngitsumimmi tusartarparput sulisitsisoq oqartoq suliertunngitsoornissamik ilisimatinneqarsimanani, sulisorli oqarluni telefonikkut ilisimatitsisimalluni.
- 4) Napparsimanagerit nalunaarutigigukku taasariaqanngilat suna nappaatiginerlugu. Sulisitsisup aperisussaannigilaatit sunarpiaq ajoqutiginerit. Taamaattumik nalunaarutigiinnarsinnaavat ullumi/ulluni taakkunani napparsimallutit. Piumaguilli sulisitsisoq ilisimatissinnaavat suna nappaatigalugu.
- 5) Qaqugu suliertooqqissinnaalernissat suliffinni ittuusumut/ningiuusumut oqaatigimisaarsinnaagukku pitsaassaaq. Kisianni taamatut piffissaliiniarnissamat pisussaataaannigilatit.
- 6) Napparsimallutit sulinngitsoornerit pillugu sulisitsisup oqaloqatiginiarlutit qaaqquppatit: Aggerit, soorunami sapinngikkuit. Kisianni napparsimanagerit pissutigalugu aggersinnaanngikkuit tamanna sioqqullugu nalunaaruteqassaatit. Aammali oqaloqatigiinneq telefonikkut ingerlanneqarsinnaavoq.
- 7) Sulisitsisoq nakorsamit uppersaammik piunasaqarpat: Nakorsamit uppersaataat piarnerpaamik pissarsiariniruk sulisitsisumullu tunniullugu. Nakorsamit uppersaataat sulisitsisup akiligassaraa.
- 8) Ilisimatitseqqaarnak suliffiit maanaannakkut qimanniaqinagu. Suliffiit qimattariaqalissagukku sulisitsisoq tamatigut nalunaarfigisaruk – tamaaliornissamat akuerereersimangippatit (ajornangippat allakkatigut).
- 9) Suliffinnit soraarniaruit: Sulisitsisoq allakkatigut nalunaarfigiuq soraarniarlutit – suliffiit qimaannaqinagu.
- 10) Napparsimalluni allanilluunniit pissuteqarluni sulinngitsoornerit pillugit malittarisassat atuuttut nalornissutigigukkit: Sulisut sinniisaat saaffigiuq oqaloqatigalugulu.